



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Dispvtatio De Statv In Qvo Sint Beatorvm Animae Post
Hanc uitam, ante ultimi iudicij diem**

**Dévay Biró, Mátyás
[Nürnberg], [1537]**

VD16 D 1300

De Inferno.

urn:nbn:de:hbz:466:1-34195

SECVNDA VERITAS.

ANimæ peruersorū deorsum sunt, in inferioribus terræ,
traditæ in manus gladij, ubi partes uulpium erunt, in
æternum Psal. 62. Iob 21. Ducunt in bonis dies suos, & in ^{ps. 62}
puncto ad inferna descendunt. Lucæ 16. Diues sepultus est ^{Ijob. 21}
in infernum. Apocalip. 20. Dedit mare mortuos suos, & ^{Lucy. 16}
mors, & infernus &c. ^{apod. 20}

TERTIA VERITAS.

ANimæ Sanctorū omniū in Christo dormientium sum
sum sunt, in loco ubi Christus est, in dextra Dei sedens
Colo. 3. quem locum nos cœlum simpliciter, regnum cœlo
& montem Dei appellamus. Hæc ille. ^{Colos. 3.}

CONFUTACIO.

Non me clam est, uel nostro seculo, esse quosdam, rara
doctrina & omni eruditione celebres, quibus quæstio
hæc, quæ de sanctorum dormitione, & statu post hanc uitā
controuertit, uideatur inutilis, meo tamen iudicio, multum
lucis adfert, tum fidei, tum doctrinæ Christianæ, locus hic
probe intellectus: Sic enim incipimus diffidere creaturis
& sanctorum dignitati, & meritis, si quatenus dormire, nis-
hilq; opis ferre nobis dicantur, cognouerimus. Quare ego
meam sententiam propono, iudicandi potestatem ecclesiæ
Christi, quæ ductu spiritus regitur, facturus.

Doctor meus locos assignauit, damnatis infernum, sal-
uatis cœlum, sed quid propriæ infernus sit uidendum est.

DE INFERNO.

b

Incon-

Infernum p.
Status d.
math. 5.

I Petri 1.

Io 3.

Hiob 15.

Eti 20.

Ecclesiastes 12.

In

IN confesso est, infernum aliquando significare statum post hanc uitam, tum bonorum, tum malorum. Status uero damnatorum propriæ Gehenna dicitur, Matth. 5. Item fossam ac sepulchrum, & est fundum uniuscuiusq; rei. Porro omnis homo aut fidelis est, aut infidelis, constans ex corpore et anima. Fidelis adhuc in uita saluatur, & est haeres omniū bonorum spiritus: nostra enim conuersatio in cœlis est. Item, si filij & haeredes. Cum moritur, salus ac uita ei reuelatur. Salus si quidem animæ, est finis fidei nostræ, 1. Petri 1. Infidelis in uita damnatur, qui enim non credit, iam damnatus est Io. 3. Alioq; dies eius impleantur, peribit, Hiob 15. Cum moritur non tunc damnatur, sed tunc damnatio eius reuelatur. Mortuus ergo iustus, pius, fidelis, corpus eius descendit in infernum, in suum sepulchrum, ad fundum, id est, in terram, unde sumptum est, quæ est mater omniū, Ecclesiastici 20. Anima descendit in suum infernum, fundum, ac sepulchrum Ecclesiastes 12. donec redeat puluis in terram unde erat, & spiritus redeat ad Deum qui fecit eum, ibidem ibit homo in domum æternitatis suæ. Infernus ergo corporis, terra: Infernus animalium beatorum, id est, status, cœlum. Christus, requies, beatitudo. Damnatorum, gehenna, tristitia, mœror, conscientia irrequieta, desperatio, uermes, ignis, & quid non? Animalium status utrarumq; æternus est, corporum non item, sunt enim suo tempore animabus umenda.

Vel ex his liquet ubi sint corpora & animæ sanctorum, corpora & animæ damnatorum. Homo qui quis discedit uel in fide, uel in infidelitate: si in fide, corpus descendit in suum infernum, in terram. Anima in suum infernum in suum statum immortalem ac sine carentem: Si in infidelitate corpus descendit in infernum, ut diuitis, Lucæ 16. in terram in die iudicij animæ uniendum, Anima in suum infernum, in statum immortalem, in gehennam. Possem uti testimonij sicut in re tam clara

clarā ut uel cæco perspicua sit, opus esset, & sic sentire de sta-
tu animarum post hanc uitam, saluatarum et damnatarum,
non video quid habeat incommodi. Prorsus fidei analogia
est haec prophetia. Philastrius Episcopus Brixiensis, cuius
& Augustinus meminit, ad Quod uult Deū, hæresim docere
fatetur eos, qui dicunt ad infernum iuxta scholasticorum
sensem descendisse Christū &c. Sed iam quatenus dormire
dicantur uidendum.

ANIMAE SANCTORVM QVATENVS
DICANTVR DORMIRE.

IAm in abruptum quæstionis ueni, hæret in uado, ut Am-
brosonianis uerbis utar, non desunt qui ut somnij, ita & dor-
miendi uocabulum ad corpus tantum referant. Ego ut polli-
citus sum, rem ut intelligo aperiam, & dormiendi uerbum
ad utramq; partem hominis refiero, & similitudinarie loqui
scripturam. Non dubito, quin quemadmodum dormiens
ignorat eos qui uiuunt, resq; eorum, sic & sancti dormiunt
nobis, ignorantes nos, nostraq; iuxta ac dormiens corpore,
ignorat suos. Cæterum & ratione resurrectionis dicuntur
dormire, cum expergesiet ac resurgent, tum boni tum mali.
Hiob 14. Cum dormierit, non resurget homo, donec alte- Hiob - 14
ratur coelum non euigilabit, & non cosurget de somno suo.
Et Danielis 12. Multi qui dormiunt in terræ puluere euigi- Daniel - 12
labūt, aliij in uitam æternam, aliij in opprobrium, ut videant
semper. Hiob 14. Siue nobiles fuerint filii eius, siue ignobi-
les nescit illud. Astruit plane eorum erga nos ignorantiam;
Et est sensus: Nec relinquitur ei ulla suoq; cura aut solicitu-
do post mortem, siue enim splendide se gerant filii sui, siue
contemptibiliter, nec sentit, nec meminit, nec conqueritur.
Et Hiob 21. Quid ad eum attinet de domo sua post se? Hiob - 21

b 2

Ecclesia-